



САУДИЯ АРАБИСТОНИ БИЛАН КЕНГ КЎЛАМЛИ ШЕРИКЛИКНИ РИВОЖЛАНТИРИШ ЛОЙИҲАЛАРИ МУҲОКАМА ҚИЛИНДИ

Ўзбекистон Республикаси Президенти Шавкат Мирзиёев 27 ноябрь куни Саудия Арабистони Подшоҳлиги инвестициялар вазири Ҳолид ал-Фалиҳ бошчилигидаги делегацияни қабул қилди.

Ўзбекистон билан Саудия ўртасидаги кўп қиррали ҳамкорлик ва кенг кўламли шерикликни янада кенгайтириш, шу жумладан, олий даражадаги келишувларни сўзсиз амалга оширишнинг долзарб масалалари кўриб чиқилди.

Учрашув аввалида инвестициялар вазири Ўзбекистон етакчисига Саудия Арабистони Подшоҳи Салмон бин Абдулазиз Ол Сауд ҳамда Валиахд, Бош вазир Муҳаммад бин Салмон Ол Сауднинг саломлари ва энг эзгу тилакларини йўллади.

Давлатимиз раҳбари кейинги йилларда ўзаро манфаатли ҳамкорлик жадал ривожланиб бораётганини катта мамнуният билан қайд этди.

Ўзаро савдо кўрсаткичлари, Ўзбекистон иқтисодиётига, энг аввало, "яшил" энергетика соҳасига Саудиянинг тўғридан-тўғри инвестициялари ҳамжи, авиақатновлар сони ортиб бормоқда.

Саудия тараққиёт фонди кўмагида соғлиқни сақлаш, таълим, сув таъминоти ва бошқа йўналишларда бир қатор ижтимоий аҳамиятга эга лойиҳалар амалга оширилмоқда.

Ўзбекистоннинг иқтисодий имкониятларини кенгайтириш бўйича кўшма фонд ташкил этилмоқда.

Саудия делегациясининг бу галги ташири доирасида кимё, энергетика, қишлоқ хўжалиги, фармацевтика, IT ва инфратузилмани ривожлантириш соҳаларида 12 миллиард долларлик ўзаро манфаатли лойиҳаларни амалга ошириш бўйича келишувлар имзоланди.

Ў.А.

ЙИРИК ЭНЕРГЕТИКА ЛОЙИҲАЛАРИГА СТАРТ БЕРИЛДИ

Ўзбекистон Республикаси Президенти Шавкат Мирзиёев 27 ноябрь куни Саудиянинг етакчи "ACWA Power" компанияси билан амалга оширилаётган лойиҳалар – Сирдарё вилоятида 1500 мегаватт қувватли замонавий буғ-газ электр станциясини тармоққа улаш ҳамда Тошкент вилоятида "яшил водород"ни "пилот" тарзда ишлаб чиқариш қувватларини барпо этишни бошлаш маросимида иштирок этди.

Таъкидлаш жоизки, Сирдарёдаги қиймати 1,1 миллиард доллар бўлган иссиқлик электр станцияси лойиҳаси 3 миллиондан зиёд хонадон ва юзлаб санаот корхоналарининг электр энергиясига эҳтиёжини таъминлашга имкон беради.

Бундан ташқари, минтақамизда илк бор "яшил водород" ишлаб чиқариш бўйича ўхшаши йўқ корхона ташкил этилмоқда. Ушбу "пилот" лойиҳа доирасида мамлакатимизда биринчи босқичда 3 минг тонна водород ишлаб чиқарилади ва кейинчалик минерал ўғитларга қайта ишланади, шунингдек,

52 мегаваттлик шамол электр станцияси қурилади.

Умуман, "ACWA Power" компанияси иштирокида Ўзбекистонда 7,5 миллиард долларлик йирик энергетика лойиҳалари муваффақиятли амалга оширилмоқда. Ушбу лойиҳаларнинг ишга туширилиши 2030 йилга бориб 25 гигаватт қайта тикланувчи энергия қувватларини яратиш, 4,5 миллиард куб метр газни иқтисод қилиш ва атмосферага зарарли моддалар ташланmalarини 3 миллион тоннагача қисқартириш имконини беради.

Ў.А.

ҚУРИЛИШ ВА УЙ-ЖОЙ КОММУНАЛ ХЎЖАЛИГИ ВАЗИРЛИГИДА

“ЯШИЛ МАКОН” ЛОЙИҲАСИДА ВАЗИРЛИК ХОДИМЛАРИ ҲАМ ФАОЛ

Юртимизда экотизимларни ҳимоя қилиш ва тиклаш, кўкаламзорлаштириш ишларини жадаллаштириш ва яшил майдонларни кенгайтириш борасида "Яшил макон" умуммиллий лойиҳасининг амалга оширилиши муҳим қадам бўлмоқда.

Ушбу лойиҳа доирасида йилга 200 миллион туп дароҳ ва бута қўчатини экиш орқали шаҳарлардаги яшил майдонларни амалдаги 8 фоиздан 30 фоизга ошириш режа қилинган. Мана шундай эзгу ишларга вазирлик жамоаси ҳам ўз хиссасини қўшмоқда.

Тошкент вилоятининг Бўстонлиқ туманида вазирлик тизим ташкилотлари масъулари "Яшил макон" умуммиллий лойиҳаси доирасида кузги мева-ли ва манзарали дароҳ қўчатларини экишда фаол қатнашдилар. Улар томонидан куз мавсумида 15 мингдан ортиқ турли хил дароҳ қўчати экиш режалаштирилган. Жараёнга Марказий аппарат масъулари, "Шаҳарсозлик хўжалигини экспертиза қилиш республика маркази" ДМ, Техник меъёрлаш ва стандартлаштириш илмий-тадқиқот институти, Қурилиш ва уй-жой коммунал хўжалиги соҳасида назорат қилиш инспекцияси каби тизим ташкилотларидан 150 нафардан зиёд ходим жалб этилди ҳамда 700 дан ортиқ дароҳ қўчати ўтказилди.



“O'zshaharsozlik LITI” ДМ 95 ёшда!



“O'zshaharsozlik LITI” ДМ қарийб бир асрлик фаолияти мобайнида минглаб бино ва иншоотлар лойиҳаларини яратишда, уларнинг қурилиши ва фойдаланишга топширилишида юксак аҳамият касб этади. Бугун Президентимиз Шавкат Мирзиёев олиб бораётган халқчил сийosatни ҳар томонлама қўллаган ҳолда ушбу бош лойиҳа институтига ҳам "Янги Ўзбекистон"ни барпо қилишда жонбозлик кўрсатмоқда.

Шу муносабат билан ташкил қилинган тадбирда Қурилиш ва уй-жой коммунал хўжалиги вазири ўринбосари Тоир Алиматов сўзга чиқиб, вазир Батир Закиров номидан шаҳарсозлик соҳасида меҳнат қилиб келаётган юзлаб фидоийларни ушбу тарихий кун билан қутлади. Вазир ўринбосари институтнинг мамлакатимизда бунёдкорлик соҳасини ривожлантиришга қўшаётган хиссасини алоҳида эътироф этиб, уларнинг келгуси фаолиятига улкан зафарлар ёр бўлишини тилади ва фаол ходимларга вазирликнинг ташаккурномасини топширди.

Таъкидлаш жоизки, бугунги кунда Ўзбекистондаги мавжуд 1 200 дан ор-

тиқ шаҳар ва шаҳарчалар, аҳоли яшаш пунктларининг 30 фоизи шаҳарсозлик хўжалиги билан таъминланган. Ушбу хўжаликнинг 26 фоизи айнан ушбу институт томонидан ишлаб чиқилгани эътирофга лойик.

Тадбирда соҳада йиллар давомида самарали хизмат кўрсатиб келаётган бир неча ходимлар институт раҳбарияти томонидан тақдирланди.

Институтнинг 95 йиллиги муносабати билан "O'zbekiston bunyodkori" газетасининг махсус байрам сони ҳам chop этилди. Унда институт тарихидан то бугунги кундаги фаолиятгача ёритилган мақолалар ўрин олган.



Ёшлар масаласи долзарб

Қурилиш ва уй-жой коммунал хўжалиги вазириликда Ёшлар бандлик дастури қабул қилинган.

Дастурга асосан, пудрат ташкилотларида 8 750 нафар, лойиҳа-қидирув ташкилотларида 790 нафар, кўп қаватли уйлارга хизмат кўрсатувчи бошқарув сервис компанияларида 365 нафар 30 ёшгача бўлган ёшлар мавсумий ва доимий иш билан таъминланди.

Шунингдек, касб-хунарда ўргатиш бўйича ёшларга таълим бериш йўналишида ҳам қатор ишлар амалга оширилди. Жумладан, 3 715 нафар ёшлар 14 турдаги касблар бўйича, 2 437 нафар ёшлар эса вазирлик тизимидаги техникумларда хунар эгалладилар.

Рақамлаштириш соҳани коррупциядан холи қилади

Муродбек ҲАЙДАРОВ, "O'zbekiston bunyodkori" мухбири.

9 декабрь – "Халқаро коррупцияга қарши курашиш кунини" муносабати билан Қурилиш ва уй-жой коммунал хўжалиги вазириликда "Очиқ эшиклар кунини" бўлиб ўтди. Тадбирда вазирлик тизимида очиклик ва шаффофликни таъминлаш, коррупциявий хатарларнинг олдини олиш ва бартараф этиш, соҳада замонавий аксилкоррупциявий тизимларни жорий этиш бўйича амалга оширилган ишлар бўйича батафсил маълумот берилди.

Коррупция инсон ҳаёти, соғлиғи, мулк, давлат барқарорлигига зарар етказиши билан жамиятимизга катта хавф туғдиради. Шу боис, қурилиш ва коммунал соҳасида мазкур жиноят турининг келиб чиқиши ва ижтимоий-иқтисодий сабабларини йўқ қилишга йўналтирилган ишларни амалга ошириш ҳамда бу

иллатнинг олдини олишга қаратилган турли йўналишдаги профилактик тадбирлар мажмуи ишлаб чиқилган. Тизимда коррупцион ҳолатларнинг олдини олиш, унга қарши курашиш бўйича таъсирчан чора-тадбирлар қўлланиб келинмоқда.

▶ 2-бет

ЎЗБЕКISTON РЕСПУБЛИКАСИ ҚУРИЛИШ ВАЗИРИНИНГ БУЙРУҒИ ШНҚ 2.05.03-22 “КЎПРИКЛАР ВА ҚУВУРЛАР” ШАҲАРСОЗЛИК НОРМАЛАРИ ВА ҚОИДАЛАРИНИ ТАСДИҚЛАШ ТЎҒРИСИДА

(Ўзбекистон Республикаси Адлия вазирилик томонидан 2022 йил 22 июлда ҳисобга олинди, ҳисоб рақами 98-сон)

Ўзбекистон Республикасининг Шаҳарсозлик кодекси мувофиқ буюрамани: 1. ШНҚ 2.05.03-22 “Кўприklar ва қувурлар” шаҳарсозлик нормалари ва қоидалари иловасига мувофиқ тасдиқлансин.

2. Ўзбекистон Республикаси Давлат архитектура ва қурилиш қўмитаси раисининг 2012 йил 23 майдаги 53-сон буйруғи билан тасдиқланган ШНҚ 2.05.03-12 “Кўприklar ва қувурлар” шаҳарсозлик нормалари ва қоидалари ўз кучини йўқотган деб топилсин.

3. Ушбу буйруқ Ўзбекистон Республикаси Уй-жой коммунал хизмат кўрсатиш вазирилик, Фавқулодда вазиятлар вазирилик ва Транспорт вазирилик билан келишилган.

4. Мазкур буйруқ расмий эълон қилинган кундан эътиборан қуча қиради.

Вазир Б. ЗАКИРОВ
Тошкент ш.,
2022 йил 15 июнь,
109-сон

Илова газетанинг 8-саҳифасида.

